



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput XVIII. a Idem Arelatensi Archiepiscopo, Vallis b Magnæ Abbati.

[urn:nbn:de:hbz:466:1-74544](#)

C A P U T X V I I I .

^a Idem Arelatensi Archiepiscopo, Vallis ^b Magnæ Abbatii.

Cum dil. Fil. Cistercien. Abbas, & P. & R. fontis Frigidi, Sed. Apost. e L. ad d Agathen. Ecclesiam accessissent, ut in ea legationis officium exercerent, quia de ven. F. n. Agathen. Episcopo per frequenter clamorem multa sibi fuerant insinuata sinistra, voluerunt descendere, ac videre, si clamorem opere complevisset. Ideoque tam Episcopum, quam Canonicos juramenti vinculo astrinxerunt, ut super statu Ecclesiæ sibi dicerent veritatem. Et infra: Quia verò non constitit sub qua forma coram prædictis Legatis præsttit ^c juramentum, utrum videlicet ita juraverit ut super statu Ecclesiæ plenam, & meram diceret veritatem; an ita, ut ad inquisita veraciter responderet: disc. v. per A. s. m. quat. eisdem Legatis ex parte nostra, in virtute obedientia districte mandatis, ut sub qua forma juramentum præstiterit, studeant fideliter intimare: & si secundum responsionem eorum sub secunda forma juraverit, aut ipse coram nobis sufficenter probaverit, se sub illa forma jurasse, per depositiones testium, quos produxerat apud Sedem Apostolicam constitutus, quas vobis sub bulla nostra mittimus interclusas, aut etiam aliorum, cum nondum depositiones illæ fuerint publicatae, nec ipse productione testium renunciare curaverit: quoniam secundum eam non tenetur ex debito juramenti, nisi ad inquisita sollemmodo respondere, vos excusationes illas, quas vobis sub bulla nostra mittimus interclusas, diligenter audire curetis, & si eas probaverit diligenter, cum excusationes hujusmodi confessiones illas non exprimant, quæ tales sunt, ut ad bonum, & malum valeant retorqueri, & ideo judicari debent ex causa eum sub. apob. penitus absolvatis: cum etsi repertus fuerit culpabilis in quibusdam, ex labore tamen, & pudore punitus, quos propter hanc causam incurrit, hujusmodi levius culpa leniter ei valeat indulgeri. Quod si excusationes illas super dilapidatione, naufragio, & simonia probare nequiverit, aut si sub prima forma juravit, cum secundum eandem veritatem tacere, nec admiscerre debuerit falsitatem, vos non obstantibus excusationibus illis, quas denuò proposuit coram nobis, cum in confessionibus suis nullam omnino de illis fecerit mentionem, quamvis firmiter assuerit, quod exceptiones plures ex illis prædictis Legatis exposuit, quas ipsi scribere non curaverunt, cum hoc per se probare non posset, tanquam qui solus examinabatur ab illis, cum sublato cujusque contradictionis & appellationis obstatculo ab administratione Agathensis Ecclesiæ removeatis.

N O T A E.

^a **A Relatenſi.**] ita etiam legitur in tercia collectione, sub hoc titul. cap. 5. Michaeli videlicet Archiepiscopo Arelatensi: de qua Metropoli nonnulla adduxi in cap. 16. de offic. deleg.

^b **Vallis magnæ.**] Vallis magna Cisterciensis Ordinis duplex est: altera Bituricensis diœcesis, alia in diœcesi Agathensis, de qua in libris Cameræ ita legitur: *Sexta filia Bonavallis Viennensis, Vallis bona in lingua Occitana, diœcesis Agathensis.* Refert Manrique tom. 2. annal. Cisterciens. anno 1150. cap. final. n. 9.

^c **Apost. Sed. Legati.**] Videlicet S. Arnaldus, 17. Abbas Cisterciensis, & B. Petrus, & Radulfus, monachi monasterii Fontisfrigidi, Legati missi contra Albigenses ab Innocentio III. & ut Albiensium provinciam visitarent: & postea

Sanctus Arnaldus creatus fuit Archiepiscopus Narbonensis, ut refert Manrique tom. 1. in serie Abbatum Cist. num. 17. De Cisterciensi Ordine, & Fontis Frigidi monasterio egi in cap. cum ordinem 6. de rescrip. cap. ad petitionem, de elect. cap. litteras, de supplenda.

^d **Agathensem.**] Provincia Narbonensis, de qua egit in cap. 6. de his que vi.

^e **Præstiti juramentum.**] Episcopus videlicet Agathensem.

^f **Tacere.**] Dubium est inter Doctores, an quotiescumque reus interrogatur a judece juridice de proprio delicto, teneatur ipse proprium crimen fateri? Et explosis variis sententiis teneri ipsum, etsi pena capitali plectendus veniat, veritatem dicere, probant in numeri, quos referunt & sequuntur Sanchez lib. 6. summa, capit. 3. dub. 29. per totum. Huttierrez lib. 1. de delictis, cap. 9. cum sequent.

CAPUT